

Aningaasanik ikisilluni pinnguaatinut akileraarut pillugu Inatsisartut inatsisaata allannguutissaatut Inatsisartut inatsisaat

§ 1

Aningaasanik ikisilluni pinnguaatinut akileraarut pillugu Inatsisartut inatsisaanni nr. 3-mi, 17. maj 1990-imeersumi, kingullermillu Inatsisartut inatsisaatigut nr. 10-kkut, 13. junil 1994-imeersukkut allanngortinneqartumi, makku allanngortinneqassapput:

1. § 9-p kingornanut ilanngunneqassapput:

"§ 9 a. Aningaasanik ikisilluni pinnguaatinik ikkussuinissamut akuersissummik pigisaqartut aningaasaasanik assigisaannillu pinnguaatitigut pissarsiaasaqartitsiviusutigut (enarmede tyveknægt-itigut) pissarsiarineqarsimasunik nalinginnaasumik akiliutigineqartartunut aggartitsisarsinnaapput. *Imm. 2.* Aningaasaasanik assigisaannillu aggartitsineri eqquiniaasitsineri akileraarutit pillugit Inatsisartut inatsisaanni aalajangersakkat aamma atuuttassapput."

2. § 10, *imm. 1* aamma *imm. 2* imatut oqaasertalerneqassapput:

"Aningaasanik ikisilluni pinnguaatinut akileraarutit ukiumoortumik ima annertussuseqarput:

1) aningaasanik ikisilluni pinnguaammut pissarsissutaasinnaasumut pigisamut siullermut 18.000 kr.-it, pigisap aappaanut 20.000 kr.-it kiisalu pigisanut tulluuttunut tamanut 22.000 kr.-it.

2) aningaasanik ikisilluni pinnguaammut pissarsissutaasinnaangitsumut pigisamut siullermut 5.000 kr.-it, pigisap aappaanut 6.000 kr.-it kiisalu pigisanut tulluuttunut tamanut 7.000 kr.-it.

Imm. 2. Akileraarutissat sisamararterutaat kvartalimut siumoortumik akilerneqartassaaq akiliiffigineqartassallutik 1. december, 1. marts, 1. juni aammalu 1. september, akiliiffissarlu kingulleq tassaavoq qaammatip akiliiffissap ulluisa 10-at."

3. § 14, *imm. 1* imatut oqaasertalerneqassaaq:

"Inatsisip matuma atuutsinneqarnissaanut Naalakkersuisut malittarisassiorsinnaapput, tamakkununnga ilanngullugit ikisilluni pinnguaatit aaqqissuunneqarneri, taakku eqqunneqarneri atornerarilu, uppersaatinik saqqummiussisarnerit, aggartitsisarnerit, nakkutilliinerit paasissutissanillu tunniussisarnerit pillugit, kiisalu malittarisassiorsinnaallutik unioqqutitsinerit akuersissutit tunniunneqarsimasut utertinneqarnerinik kinguneqarsinnaaneri pillugit."

§ 2

§ 1, nr. 2 atortuulissaaq ullormi 30. november 1994-imi, siullermeertumillu atortuulissalluni januar kvartalimut 1995-imut akileraarummut, 1. december 1994-imi akiligassanngortussanut.

Imm. 2. § 1, nr. 2-p nr. 3-llu piffissaq atortuulerrissaat Naalakkersuisunit aalajangersarneqassaaq.

Namminersornerullutik Oqartussat, ulloq 3. november 1994.

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut